



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



VCL e fana ka likhau

2


Mafeteng e li hula
nthau

7



O SUTUTSA 'MUSO

www.moeletsioabasotho.co.ls



Re se re fumaneha ho
marangrang

Email: newsroom@moeletsioabasotho.co.ls
Tel: +266 28350466/ Whats app: 62600983

MOELETSI

Thuto ke lefa le sa feleng

Naha e 'ngoe le e 'ngoe e ikhantša ka setso sa eona, puo le moaporo ke tsona tsa mantlha. Letona la Thuto le sa tsoa phatlalatsa sephetho sa mapomela sa LGCSE sa 2025, joalokaha naha ea Lesotho e le ea Basotho, ba bua puo ea Sesotho, ho'a thabisa ho utloa hore e ka ke hona moo baithuti ba sebelitseng hantle ho feta lithutong tsohle. Taba ena kea bohlokoa ruri.

Haele litichere tseo tsa thuto ea Sesotho li sebelitse hantle ruri. Leha ho le joalo, hona le litereke tse sa sebetsang hantle, haholo tse ka lithabeng, 'me taba eo e ntse e hloa mekoalaba selemo le selemo. Potso ke hore bothata bo hokae? Na ke hobane litichere li fokola, ho se liphaposi tsa ho rutela, tlhokahalo ea liphaposi tsa lithuto tsa mahlale, na lisebelisuo li teng?

Na letona le ikarabellang le etsa tšalo morao kapa hona ho etela litereke tseo? Setereke sa Quthing se sebelisa lipuo tse fetang bobeli, na li keneletse lenane-thutong la lekala? Khothaletso ke hore hohle ho kenyeletsoe lipuo tsohle ho latela tse barutoana ba li antseng letsoeleng ho ea ka libaka ka ho fapakanana.

'Muso oa United Arab Emirates(UAE) o phalletse Lekala la Thuto ka thepa e kenyeletsang li-laptop le lisebelisoa tse ling, e se eka li ka abeloa likolo tse ka thabeng, e le hore le tsona li matlafale thutong.

Kampani ea Vodacom Lesotho e khutlisetsa sechabeng, ka ho fetola bophelo ba bana ba Basotho. VCL e re e tšehetsa bana ba Basotho ho ntšetsapele lithuto tsa bona linaheng tse ling. 'Me ha ba se ba phethetse lithuto tsa bona ha ho seo ba lebeletsoeng ho se khutlisa e le mokoloto, kaha sepheo se seholo e le ho thusa baithuti ho ba le leseli le bokamoso bo chabileng.

Lihlapiso tsena li tsoa tlas'a Lenane-Thuto la Vodacom la Software Factory Hub le reretsoeng ho matlafatsa le ho holisa likhoebo tsa Basotho tse ntseng li thuthuha, le ho matlafatsa baithuti ba lithuto tsa lipalo, mahlale le Engeneering le shebile banana haholo. Ke litaba tse monate tsena, ha e hole e holele Basotho.

Tona-Kholo u nehelane ka likoloi le lithuthuthu ho Mafapha a Tšireletso e le ho akofisa tšebetso ea bona, le ho bona hore toka e abjoa habonolo. Taba eane ea hore likoloi ha lieo ha ba tlameha ho thusa sechaba sa Basotho ke pale ea maobane. O boletse hore thepa eo ha se ea malapa empa kea sechaba ka hona ba e baballe ba e hlokomela, 'me ba thibele tlolo ea molao ka hohle-hole, empa ba tlolang molao bona ba fasoe.

Khoeli ea Pherekhong selemo le selemo ke ea bohlokoa ho Basotho. Basotho ba qala selemo se secha ka ho ikhopotsa lietsahala tsa lilemo ka ho fapakanana ho toha pusong ea Morena Moshoeshe I. Lelapa la Botlotlehi le hloella kaholim'a sehlabana sa Thaba-Bosiu ho ea rapela esale ka malungoalungoana ho ea rapella pula, botsitso le hore Ramaseli a bule litsela le merero ea bohle ea selemo se secha. 'Me tsena li etsoa ho latela moetlo oa Basotho.

MOLIMO A BOLOKE LESOTHO LE BASOTHO

Contacts: +266 28350 466

62600983 WhatsApp

Email: newsroom@moeletsiabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

EMAIL: editor@moeletsiabasotho.co.ls
Mohale Lehlohonolo (Sub-editor)
(+266) 58 771 507 / 62 771 507

Vodacom e abela baithuti likhau

Tšeliso Thakholi

Mookameli oa Vodacom Lesotho, Monghali Mohale-Ralebitso o lakalelitse baithuti ba 6 ba tlang ho qala lithuto tsa bona linaheng tse fapakaneng tlas'a Lenane la Vodacom la Lihlapiso tsela-tšoeu, le ho abela ba 10 ba phethetseng lithuto tsa bona ka katleho e kholo likhau, moketeng o neng o tšoaretsoe Vodacom Park, Maseru, ka la 21 Pherekhong 2026.

Baithuti ba ileng ba tlotloa ka likhau ke ba bontšitseng boiphileho Lenane-Thutong

ba e fumanang ea ho ntšetsa lithuto tsa bona pele, ke mahala, ba phethetse lithuto tsa bona ha ho letho leo ba lokelang ho le khutlisa, kaha sepheo e le ho ba thusa ka bokamoso bo chabileng.

"Morero oa Vodacom ke ho aha Lesotho le lecha leo bana ba lona ba nang le litsebo tse phethahetseng tse tlang ho le thusa hore le hole moruong le tlhahisong ea mesebetsi joaloka linaheng tse ling." O boletse joalo a bile a eketsa ka hore ho ba seng ba qetile mesebetsi o se o le matsohong a bona. Athe ho ba seng ba qalile lithuto tsa bona a ba khothaletsa ho sebetsa ka thata e le hore ba tle ba tsebe ho atleha. A khothaletsa ba bacha ho ea etsa likopo tsa ho qala lithuto tsa bona.

nana. A re ba ile ba fumana likopo tsa baithuti ba 180 ba batlang ho ithuta tlas'a Lenane la Lihlapiso la Vodacom, empa ba atlehile ho fana ka lihlapiso ho baroetsana ba 6 feela.

A ipiletsa ho Basotho ho tsoelapele ho tšehetsa Vodacom Lesotho ka ho reka lihlahisoa tsa eona tse fapakaneng, kaha ka ho etsa joalo e tla tseba ho tliša liphetho bophelong ba bana ba Basotho. A lebohelela ba atlehileng ho fumana lihlapiso, a ba kopa ho ea sebetsa ka thata e le hore batle ba fihlele tseo ba lihlohang. A lebohela le ho lakaletsa katleho ba tsamaeang ho ea ithuta linaheng tse ling. A tiisa hore Vodacom e behile tšepo e kholo ho bona ea hore batla tlisetsa



la Vodacom la Software Factory Hub. Lenane lena le reretsoe ho holisa le ho matlafatsa likhoebo tsa Basotho tse ntseng li thuthuha le tse mahareng tsa mahlale kahare le kantle ho naha, le ho ntlafatsa litsebo tseo naha e nang le tsona litabeng tsa mahlale a tšebeliso ea marang-rang.

Puong ea hae Monghali Ralebitso o itse morero o moholo oa Vodacom Lesotho ke ho khutlisetsa molemo sechabeng, ka ho fetola bophelo ba bana ba Basotho. A re tšehetso eo bana

Haele ba tsamaeang a ba lakaletsa katleho le mahlohonolo lithutong tsa bona.

Motsamaisi oa Manane-Thuto a Vodacom Lesotho, Mofumahatsana Pinki Mokoena o boletse hore ba motlotlo haholo hore ebe hona le bana ba Basotho ba ntseng ba fua monyetla oa ho ntšetsa lithuto tsa bona tsa mahlale pele. A re molemo oa manane-thuto ana ke ho tšehetsa le ho matlafatsa baithuti ba lithuto tsa Maths, Science le Engeneering, empa haholo ba shebile ba-

Naha ea Lesotho katleho.

Lebitsong la baithuti, 'Matau Sekoboto o tšepitse hore ba tla sebetsa ka thata moo ba eang ho phahamisa folakha ea naha, 'me a leboha batsoali le kampani ea Vodacom Lesotho ka ho ba fa monyetla oa bohlokoa bophelong ba bona oa ho intlafatsa lithutong tsa bona. A thoholetsa baithuti ba tlleng pele ho bona ka likatleho tseo ba li fihletseng, 'me a tiisa hore le bona ba tllil'o tsamaea mohlaleng oo oa bona o motle.

Journalists

Nthabeleng Seithleko 57 665 038/ 68 216 271
Tšeliso Thakholi 58 540 853/ 63 480 404

Production Desk: 'Mateele Liqa

Mabeleng o sututsa 'muso

Nthabeleng Seitlheko

Mokhethoa oa Hloahloeng, Katleho Mabeleng, o re o ntse a tlo' tsoara ka matla ho loanela hore thuto e fanoang ho bana ba kenang likolo ka lithabeng e be ea boleng tulong ea Paramente, kaha le sephethong sena sa 2025 baithuti ba phelang ka lithabeng boholo ba sa sebetsa hantle. O boletse tsena puisanong le Koranta ka la 21 Pherekhong monongoaha.

O re ho latela tšisinyo eo a ileng a etsa kantlong ea bakhethoa hore litaba tse-na li shejoe hantle ke letona le ikarabellang, e bonahala e ntse e sa utloahale, ka lebaka leo h'a na khutsa ho fihlela litokelo tsa bana ba kenang likolo ka lithabang li arajoa joaloka tsa ba bang.

Mabeleng o re bothata bo boholo ke tlhokahalo ea litichere, lintlafatso le lisebelisuo. A re ho'a soabisa hore bana ba ka rutoa ka 'computer' empa ba sena tsona, ha hona libaka tsa ho balla le tsa lithuto tsa mahlale empa ho lebeletsoe hore ba pase.

A re bana ba pasitseng ke ba mabalane, ba ka thoko ho literopo ba bonahala ba ntse ba saletse morao hobane tšekisetso e le teng. Ho feta mona 'muso ka lekala le ikarabellang le mometse ka ho kenngoa ha lipuo tse kang se-Xhoza tšebetsong hore baithuti ba



rutuo e ka lipuo tsa bo bona e le ho anetsa litaba tsa teka-tekanyo.

"Ha hona khato eo 'muso o e nkang ho nanabetsa letsoho, ho atamela libaka tsena tseo baithuti ba sa sebetseng hantle, le likolo li ahoa libakeng tseo ho sa hloka haleng, tlhokahalo ea litichere le ho hira tsa nakoana, o mometse ka litaba tsena" ke Mabeleng eo.

Ka lehlakoreng le leng, hona litabeng tsa thuto, President ea naha ea Mokhatlo oa Lithuto tsa Mahlale le Lipalo, Keketso Leteba, o hlalositse hore sephetho sa bona lithutong tsena tsa mahlale se hla-ha ka mekhahlelo; Physi-

cal Science e bonahetse e phahama selemo le selemo ka 3.9%, kaha ka 2024 ba ne ba ena le 23.7% ka 2025 ebile 31.2%. A re qholotso e kholo ke thuto ea lipalo e bonahalang e theohile haholo, 2024 ba ne ba ena le 15.2% selemong sa 2025 ba na le 12.3%, e theohile ka 29%.

O re taba ena e bontša hore hona le bothata bo boholo thutong ea lipalo, ha tse ling li ntse li phahame haholo. O re bothata litabeng tsena ke katamelo ea bana ha ba shebane le thuto ea lipalo, kahoo ba lokela ho ratisa bana lipalo pele ba sebetsana le tsona etsoe li arotsoe ka mekhahlelo, eo ba atlehang ho ikhethela na motho o tla ngola mofuta o feng.

O tsoetsepele hore batsoali 'moho le bana ba utloisise mokhoa oo lithuto tsa lipalo li arotsoeng ka eona, a re lipalo li hloka boikoetliso bo bongata, empa boholo ba baithuti bana le mesebetsi e mengata eo ba etsang kantle ho sekolo, haholo tšebeliso ea marang-rang le mehala ea thekeng, ba bonahala ba se na boitlhopho bo lekaneng ba ho ithuta.

Bana ha ba sana nako, baithuti ba se ba sebelisa lithupa tsa mahlale eseng tšebeliso ea kelello, tseo li bontša ho hloka thahasello, ba hloka ho tsetela ka matla ho tšehetsa thuto ea mahlale ho tloha likolong tse tlaase. A re likolong tsa Mathomo hangata tichere e ruta lithuto tsohle, 'me ba lokela ho tšehetsoa hore ba rute lipalo ka matla kaha litichere tsa likolo tse Phahameng li atleha ho ikemela

ka thuto ka 'ngoe. A re leha litichere li leka ho sebetsa litabeng tsena, bothata ke tlhokahalo ea lisebelisuo, joaloka likolong tsa Quthing, kaha li le ka lithabeng. Bana ba fuoang monyetla ke ba mabalane 'me re lokela ho atametsa lit'sebeletso ho bana ba literekeng e le hore ba atlehe lithutong joaloka ba bang.

"Ho bonahala lipalo tsa bashanyana li phahame, ha banana ba bonahala ba sena thahasello, haholo thutong ea lipalo 'me bashanyana ba etsa 14.9% ha banana ke 8% e leng phapano e kholo eo re lokelang ho sebetsana le eona ka matla ho ntlafatsa bana ba banana lithutong tsa mahlale" ke Leteba eo.

O supile hore e le mokhatlo ba leka mekhhoa eohle ho bona hore ba fana ka thuto le tšehetso ho batsoali le

Ka ho le leng Raliphatlatso oa Mokhatlo oa Bokokameli ba Likolo (LESPA) Seabata Maburu, o hlalositse hore seo ba se hlokometseng ke hore banana ba pasitse Sesotho le Senyese mane haholo, ha bashanyana, ba ipabotse lithutong tsa lipalo le mahlale, athe baithuti ba nang le bokooa mekhahlelong eohle ha ba ea sebetsa hantle. O re seo ba se bonang ke hore ka linako tseo bana ba ithutang ba le bang ba shebana le tsa mahlale, haholo bashanyana ha ba banana ba sena thahallo.

O re taba ena e re ba lokela ho bona hore ba tsoaroa ka thata ho tšehetsa lihlopha tsa baithuti, ba sebetse 'moho hore ba tsebe ho buisana. Qholotso e kholo e ka bang teng ke khaello e kholo ea lisebelisuo haholo likolong tse



litichere, hore bana ba rate lithuto tsena, ba ekelitse litlholisano tse shebaneng le lipalo feela, 'me ho tloha selemong sa 2025 ba bone hore baithuti ba nkang karolo kahar'a litlholisano tsena, ba sebetsa hantle. Likolo kaofela ha li ka lumella bana ho nka karolo ba lumela hore phetoho e tla ba teng lithutong tsa mahlale le lipalo.

H'a phethela o ipilelitse ho likolo tsohle ho nka karolo kahar'a mokhatlo ona, hore litichere li sebetse 'moho ho bona hore ba kenya moea oa lithuto tsa mahlale le lipalo baneng kaha ba thakelana ka malebela, 'me sena ba ka se fihlela habonolo ka tšehetso ea Lekala la Thuto le batsoali.

ka lithabeng, o re khetlong lena ba bona ntlafalo e kholo literekeng tse holimo empa li sebelitse hantle, ha boemo ba Maseru ho bonahetse ho theoha e leng ho sa hlakeng na qholotso ke e feng empa boholo likolo li na le lisebelisoa.

H'a phethela o hlalositse hore khajana likolo li ne li buloa ho ella mafelo a khoeli, 'me taba eo e ne e etsa hore baithuti ba qale lithuto ba ena le litlhoko tsa sekolo, ena ea ho bula mahareng a khoeli kapa qalong ea khoeli e qalang selemo e ama boteng ba baithuti likolong, hobane ba sena bokhoni, kahoo ho bohlokoa hore lekala le bule likolo ho ella mafelo a khoeli batsoali ba hlophetse bana.



MOELETSI O TŠEHETSA BACHA



Tšeliso Thakholi

Ke tokelo ea 'muso ofe kapa ofe o litulong ho bulela bacha menyetla e mengata ea ho hlaha litalenta tsa bona tse fapakaneng, ka sepheo sa ho ba thusa ho ipheli-sa. 'Maserame Moiloa ea tsejoang haholo ka 'The Iron Lady' eo e leng setaki a bile a bapala litšoantšiso le lipale, kajeno o tšile ka leoa le lecha la ho ngola le ho qapa lithothokiso tsa Sesotho. Moiloa ha esale e le motho ea ratang ho ba seqapi le sengoli sa

lithothokiso tsa Sesotho ho tloha nakong eo a nt-seng a le Sekolong.

Ka hona talenta ena ea hae kajeno o e fetiset-sa bathong ba bang ka Sesotho se manoni. Na-kong eo a ntseng a le Se-kolong se Phahameng sa Mapetla, Seterekeng sa Maseru, o ne a sebelisa Sesotho le Sekhooa mol-emong oa ho thusa bacha bao e bang ha ba tsebe kapa ho utloisisa puo ea Sesotho hantle. Moseb-etsi oa bongoli ha se ntho eo a kileng a e rutoa, ke talenta. Ho 2000 h'a qala ho fihlela hajoale, o entse pokello feela eo e leng hona a ntseng a itokisetša

ho tla e hatisa.

PELE KE E BA SENGOLI

Pele ke eba sengoli ke setaki, 'me ke qalile ke sebelisa letsopa ho bopa likhomo, linku, likoloi, li-fofane le lintho tse ngata joaloka ngoana oa Mo-sotho oa ngoanana ea hotseng le bashanyana ke lisa. Ha ke se ke kena sekolo thahasello ena ea ho bopa ea fetoha botaki.

TSEO KE SENG KE LI NGOTSE

Har'a lithothokiso tse ngata tseo ke li ngotseng li kenyeletsa eo nke keng ka e lebala bophelong ba ka e bitsoang 'Hoja ka tseba', e nkhopotsang bophelo ba rona nakong eo ntate oa rona a neng a le chankaneng. E baleha joana ka bokhutšoanya-ne: "Ka nako e 'ngoe bophelong ba ka ke naha-na ka bokhopo le liket-selletso tse ntlisitseng chankaneng. Ke naha-na ka lelapa la ka, batho bao ke ba ratang le lintho

tseo ke neng ke leka ho li boulella le ho li tširelet-sa ha ke tla kena chank-aneng.

Ho thata hore ke leb-ale tsohle tse ntlisitseng mona le sello se kenang pelong habohloko sa ba-tho ba neng ba ngene-hetse, bao ke neng ke sa tseba hore ka letsat-si le leng ke tla arohana le bona. Ke arohane le baratuo ba ka, ka leba-ka la bokhopo ba pelo ea ngoana motho. Likeleli tsa bona li rothela pelong ha bohloko. Leseli la hore letsatsi la ho tsoa lefifing lena le tla fihla ke le bone-la hole mane. Bokhopo ba ngoana motho bo mpehile mahlomoleng. Ho tseba oena Molimo hore na ho khanya ha leseli ho tla chaba neng..."

Ho lokolloa ha hae ho ile ha tliša thabo e kholo ho rona bana ba hae le hoja a ile a fihla 'm'e oa rona a se a khutletse ho 'Mopi oa hae a bolailoe ke pelo ka lebaka la ketsahalo eo. Le lefu la 'm'e oa ka ke na le lithothokiso tsa lona.

MORERO

Morero o moholo oa lithothokiso tsa ka ke ho tsoolosa bochaba ba rona le puo ea habo rona e bonahalang e ntse e qepha haholo matsatsing ana ho bacha le batho ba baholo. Sena se tla thusa

bacha hore ba itsebe han-tle ha ba le machabeng ba kopane le lichaba tse ling.

KOPO

Ha joale ke sebeletsa tenteng ha kena moaho 'me ke se ke kopa batho bohle ba boithatelo bo bottle ho jela paate, kaha takatso le morero oa ka ke hore lineo tsena ke tle ke li siele bana ba Baso-tho. Haele ba ka ratang ho tla moo ke ntseng ke sebeletsa teng, ke ka Seteishining, Maseru, ba ka tla ho tla hlopha mok-hoa oa boithuto ka litefiso tse tlaase haholo.

KHOTHALETSO HO BACHA

Ke khotlaletsa bacha ho sebelisa litalenta tse fapakaneng tseo Morena Molimo a ba fileng tsona hore li tle li ba tsoele mol-emo. Ke kopa 'muso oa habo rona hore le oona o kenye letsoho haho-lo ho matlafatsa litalenta tsa bana ba Basotho ka ho ba tšehetsa ka mek-hoa ea hore ba tsebe ho itlhaletsa mesebetsi kaha sena se tla matla-fatsa bophelo ba bona le ho holisa moruo oa naha. Bacha ke boetse ke le khotlaletsa ho ba le bo-qapi ba lintho tse ling tse ncha tse sa tloalehang tse tsebahaleng.

KHOELEHETSO HO BACHA

Re kopa bacha bohle ba khoebong, tse ntseng li thuthuha le tse seng li

iphumane ba bue le

Moeletsi oa Basotho ho:

newsroom@moeletsoabasotho.co.ls kapa nomorong ea

WhatsApp ea +266 62600983 ho arolelana le bacha ba

bang ba nang le khahleho ea ho qala

khoebo, empa ba sa tsebe ba ka qala joang.

<https://whatsapp.com/channel/0029VaksSPUJUM2dmiGDNh20>

Follow Moeletsi oa Basotho

Official
WhatsApp
Channel

and stay connected!



Fumana litaba tsa morao-rao, litsebis, likhatiso le tse ling ka potlako ka menoana feela!



WhatsApp: 6260 0983

www.moeletsoabasotho.co.ls



Central Park e thabisa bahoebi

Nthabeleng Seitlheko

Ele ho ntlafat-sa sebaka sa Maseru Central Park, hore ebe sa boemo bo holimo ba boithapollo, Lekhotla la Mose-Moholo Maseru le kene moralong oa ho fallisa mabitla a khale a teng ka moo. Litaba tsena li boletsoe ke Raliphatlatso oa MCC, Lintle Bless, puisanong le Koranta ka la 19 Pherekhong Monongoaha.

O bontšitse hore mabitla ao a fumanoa nakong ea tlhahlobo ea tokisetso ea ho ntlafatsoa serapa seo, 'me ho ile ha etsoa phatlalatso ea ho batlisoa beng ba mabitla, 'me ho fanoa ka nako ea khoeli hore sechaba se nang le leseli le beng ka bafu ba boloketsoeng serapeng seo ho itlaleha liofising tsa MCC.

A re ba bang ba fumanoa kaha a mang a mabitla a tsoaue, 'me ho bobebe ho 'Masepala ho etsa mosebetsi oa phalliso. A re ba bang ba batho ba ntseng ba itlaleha liofising tsa bona ke batho ba baholo ba ka bang lilemo tse 80.

Ha beng ka bafu ba sa itlalehe nakong e fanoeng, mabitla a tla fallisetsoa sebakeng se hloailoeng Thibella, e le hore ho kenngoe moralo tšebetsong 'me phalliso ea mabitla e tla etsoa ka tlhompho le seriti.

A bontša hore bohola ba mabitla ke a bana ba neng ba hlaha ba khathetse ho tsoa sepetlele sa Queen Elizabeth II lilemong tsa bo 1970.

Raliphatlatso oa sepetlele sa Setereke sa Maseru Kekeletso Motanyane, o re litokomane tsa litlaleho tsa sepetlele li senngoa ka mor'a lilemo tse 10, ha tsa mafu li senngoa kamor'a lilemo tse 5.

A re sepetlele ha se na litokomane tsa litlaleho tsa

bafu le mabitla a hakanyetsoang lilemong tsa bo 1970 kaha e le lilemo tsa khale haholo.

A bontša hore ho senngoa ha litokomane tsa litlaleho ha se ea Lesotho empa ke molao oa Mokhatlo oa Lefatše oa Bophelo (WHO) o amang linaha ka kakaretso.

E mong oa beng ka bafu ba boloketsoeng serapeng sa Central Park puisanong le koranta, 'Mambele Seatjane oa Thabong Maseru, o bontšitse ha e le bana ba motho le mofu ea boloketsoeng serapeng seo.

Seatjane o re o ile a hlalositsoa ke motsoa-

li oa hae ea lilemo li 76 oa Semonkong Ha Elia, u ile a mo amela hore lilemong tsa khale ka bo 1970, u ile a kuleloa ke ngoana ea sa tsoa hlaha sepetlele sa Queen II 'me ka bomalimabe ngoana a lahlehela ke bophelo, ke moo ka lebaka la bohloki ba ho isa setotsoana sa ngoana Semonkong, mofu a ileng a bolokeloa serapeng sa Central Park.

O itse moena oa hae o ile a itlaleha ofising ea MCC, 'me ba tlalehetsoe ka tšebetso e tlang ho khakolaa ea ntlafatso ea serapa sa Central Park, le hore ho tla ba le tšebetso ea bofifi ha ho

fallisoa mabitla ho ea Thibella ka hona ba koptjoa ho ba teng ka letsatsi le joalo. A re ba ananela phalliso ea mabitla kaha e le ntlafatso e tla etsoa molemong oa sechaba sa Basotho.

Ho ea ka phatlalatso ea MCC, meralo ea ntlafatso ea serapa e kenyelelitse "water slides, water parks, lazy rivers" 'me eona e tla etsoa ka thuso ea lichelete ho 'Muso oa Lesotho.

Puisanong le e mong oa Basotho ba hoebang haufi le sebaka sena, Malefatsane Mohloai, o hlalositse hore ntlafatso e tlo etsoa sebakeng sena e tlo ba thu-

sa hore ba bokelle litsiane tse betere hobane ho tla ba le baeti khafetsa sebakeng sena. A re ho tlo thusa hore e khutlele boemong ba eona ba pele ba ho hohela bana le baeti hore ebe sebaka seo ba ithapollelang ho sona.

O bile a thoholetsa 'Muso oa Lesotho ka morero ona, ka le reng hona ke khuliso ea moruo le ntlafatso ea likhoebo tsa bona, "esale sebaka sena se sa eteloe khafetsa khoebo ea rona ha e tsamaee hantle, kaha pejana ha se ne se eteloa, bareki ba ne ba eba bangata.

Thepa ea 'muso ha se ea malapa-Tona-Kholo

Nthabeleng Seitlheko

Ele ho nolofaletsa Litsi tsa Tšireletso ho etsa mosebetsi le ho thusa kabong ea toka, Mohlomphehi Tona-Kholo Samuel Ntsokoane Matekane o nehelane ka likoloi le lithuthuthu mafapheng a Tšireletso, la Mautloela le la Sepolela, ka la 16 Pherekhong Monongoaha.

H'a bua tšebelatsong e neng e tsoaretsoe setsing sa Koetlisong ea Sepolela, Maseru, o itse thepa eo o e aba hore e sebeletse 'muso le sechaba, eseng ho sebeletsa malapa a bao likoloi li leng matsohong a bona. O re o lumela hore motho o lokela hore a fuoe thepa hore a sebetse hantle, ka hona a ipiletsa ho liofisiri hore li sebeletse Mosotho e mong le e mong ho sa tsoellehe maemo a hae.

O bontšitse hore ba sebetse ka thepa e teng, 'me moo ho hlokalang tlatsetso ba tla bona hore ba tlatsetsa joang. A ipiletsa ho mafapha ana ho bona hore ba felisa litlolo tsa molao hoba ba khathetse ke tsona.

"Lona mafapha ke moseb-

etsi oa lona ho bona hore litlolo tsena tsa molao li fela hang-hang, 'me ke tlatsetsa taba ea hore batho ba ntseng ba li etsa ba fasoe." ke Matekane eo. A ipiletsa hore batho ba ke ba emise ka litlolo tsa molao tse kenyeleletsang ho rekisetsa batho mesebetsi.

Ho sa le joalo, Letona Ofising ea Tona-Kholo, Mohlomphehi Limpho Tau, o thoholelitse Tona-Kholo ka ho ba le chebelopele ea hore mafapha a be le thepa e kang ena. A supa hore kantle ho eona bahlanka

mafapheng ao ba sitoa ho sebeletsa makala le sechaba. A re ka thepa ena taba ea hore likoloi ha li eo ha Basotho ba hloka litšebelatsong, e tla ba pale ea maobane. "Lona mafapha bolokang le hona ho hlokomela thepa ena hore e tle e phele nako e telele, 'me le sebeletse Basotho ka eona eseng malapa a lona." Ke Tau eo.

Ka lehlakoreng le leng, Mongoli e Moholo oa Lefapha la Mautloela, Mpho Marathane, o re likoloi tse fanoeng li 29 kaofela, A hlalosa hore tse teng li 23

'me tse 6 li ntse li le tseleng. A re tse 6 li abeloa Lefapha la Sepolela.

A re morero ona ke oa lilemo tse tharo kaofela, o qalile selemong se fetileng moo ho ileng ha etsoa phano ea likoloi tse 39, 'me sena ke selemo sa bobeli. A supa hore selemo se tlang ke sa mokhahlelo oa ho qetela.

A phethela ka hore ka mafapha a tšireletso le mofuta oa tšebetso oa mautloela ho ne ho se hotle ho sebelisa likoloi tsa Basotho tse hirisoang, 'me ba ananela Tona-Kholo.



‘Muso o tsoe puo ka mofetše-Tšupane

Nthabeleng Seithleko

Mamosalanyane Tšolo oa Matholeng Mafeteng, o re leeto la ho oka ngoana ea nang le mofetše le boima, haholo ha ngoana a tla fuoa lithhare tsa pelaello ea mafu a itseng, pele ho fumanoa se mo khathatsang. O re ngoana oa hae o fumanoe sepetleng sa Bloemfontein hore ona le kankere kamor’a bokulo ba nako e telele, e bile e se e le boemong ba bone. O boletse tsena, puisanong le Koranta ka la 21 Pherekhong monongoaha.

“Ngoan’a ka o ne a le lilemo li tharo ho isa ho tse ‘ne, hoa qaleha litšoelesa nokeng tse peli li sa ope. Ka mo isa setsing ba mo fa lithhare ka khopolo ea hore hona le methapo e ipopileng, ea ba lintse li ruhuha kamor’a ho sebelisa lithhare tseo” ke Tšolo eo.

O re o bile a fetisetsoa setsing sa bophelo Queen Mamohato Memorial a nkoa nama ea isoa lithatlhobong, h’a ntse a emetse sephetho ea ba mahlo a ngoana a ba masoeu, molomo o ba mopinki a lula a khathetse le ho ruhuha ‘mele kaofela a sa bontše bohloko fela lehlatsi le le matla.

O re h’a isa ngoana ngakeng, a bonahala a ruhuhe hohle, ke moo a ileng a khuoa mali ha fumanoa sesole sa ‘mele se theohile e le 5, a fuoa lithhare tsa lefuba la ka mpeng, a fuoa mali sa phahama eaba 9.9. O re o ile a hlatsa haholo kamor’a ho fuoa lithhare tseo.

Kamor’a beke ngoana a ruhuha le ho rarahanaleleme ke moo ho ileng ha fumaneha hore ona le mofetše setsing sa bophelo Bloemfontein, o le boemong ba bone, a qala ho thusoa, ho fihlela mofetše o seng o le ho 0%, eleng hore o ne o se o sa bonahale ‘meleng, empa ba ntse ba khutlela ngakeng nako le nako kamor’a likhoeli tse tharo.

“Ho boima ho oka ngoana eo o sa tsebeng hore o na le mofetše, hobane lithatlhobo tsa naha li sa etsoe ka

nako” a hlalosa joalo.

O re naha e thotse ka litaba tsa mofetše oa bana, ‘me ho bohlokoa hore batho ba fuoe thuto ka litaba tsena. A re joale bothata bo boholo ke khaello ea thuto ho bana ba nang le mofetše hobane ba sitoa ho kena sekolo ka lebaka la kalafo e boima. A re ba bang ba ea sekolong ba se ba le baholo haholo.

Mothehi ebile e le motlatsi oa Mookameli oa Mokhatlo oa mofetše oa bana, Mampho Tšupane, o re ba tšoenyehile ke lipalo tse phahameng tsa mofetše oa bana kahar’a naha, ho bile ho sa thoe letho ka litaba tsena. A re ho utloisa bohloko hobane batsoali ha ba tsebe matšoao a mofetše ona, ‘me e lula e le taba e makatsang.

Boithutong ba rona, lingaka setsing sa Bloemfontein li tšoenyehile ke bana ba fihlang setsing ba ena le mofetše, batho ba qetella ba lahlehetsoe ke tšepo. A hlalosa a mang a matšoao a ka bonahalang ho ngoana ea nang le mofetše; ke mocheso o phahameng, likotola tse bonahalang kantle ha tse ling li sa bonahale li le kahare, hlooho e bohloko, ho theoha ha ngoana‘meleng, ho fetoha ha letlalo

la ngoana le ho akheha khafetsa.

O tsoetsepele hore ho fihlela hona joale ba na le bana ba 60 libukeng tsa bona ba ntseng ba ea kalafolong Afrika Boroa, selemong sa 2025 ba lahlehetsoe ke bana ba 9, ha maqalong a selemo sa 2026 ba lahlehetsoe ke bana ba baroro, ke lipalo tsa litereke tsohle. ‘Me ho latela kalafo bana ba bona ba ntse ba hlahphoheloa hoo ba bang ba seng ba bona lingaka ka-

mor’a likhoeli tse tharo, tse 6 le selemo ‘me ba atleha ho khutlala sekolong.

“Re na le bana ba eang kalafong beke le beke, ho latela leeto la mofetše bana ha ba kene sekolo hantle, ba bang ba qetella ba hloka likarolo tse ling tsa ‘mele, ba bang litlamorao li bonahala kholong ea bona, ha ba se ba sitoa hoba le bana,” a hlalosa joalo.

A re e le mokhatlo, seo ba se etsang ke ho hlabolla bana ‘moho le batsoali, ho

ba hopotsa ka bohlokoa ba bona kaha ba hloka ho lula ba hopotsoa ka boleng ba bona hore ba ikamohele. H’a phethela o itse ba kopa lekala la bophelo hoba thusa hore ba pholose bophelo ba bana ba bangata, hobane ba lumela hore hona le bana ba ntseng ba lahlehelo ke bophelo hobane batsoali ba sena tsebo. A re ekare litsi li ka thusa ho etsa lithahlobo tsohle ka nako molemong oa bophelo bo botle ba bana.



Mafeteng e li hula nthau

Nthabeleng Seitlheko

Setereke sa Mafeteng se li hula nthau sephethong sa lihlaloboa tsa LGCSE monongoaha ka linoko tse 67.9 lekholong. Litaba tsena li hlalelletse phatlalatsong ea sephetho sa Lesotho General Certificate of Secondary Education (LGCSE), le sa bo 12 e leng Lesotho Advanced Secondary Certificate (LASC) Ka la 19 Pherekhong Monongoaha.

Setereke sa Qacha's Nek se nkile boemo ba bobeli, ha setereke sa Quthing e le sona mokoallo kaha se sa sebetse hantle.

Tšebetso ea likolo, Letona la Thuto le Koetliso Prof. Ntoi Rapapa o bontšitse hore sekolo se Phahameng sa Leribe English Medium se nkile boemo ba pele, boemong ba bobeli ke se Phahameng sa St. Stephen's, borarong ke se Phahameng sa Lesotho, ha boneng e le se Phahameng sa Kingsgate, ha bohlanong e le se Phahameng sa

Methodist.

Ha a tsoela pele, Prof. Rapapa o bontšitse hore selemong sena ho bile le bahlahlobuo ba bangata papisong le selemong se fetileng, kaha ba bile 21,304. Ba atlehileng ho ngola ke ba 21,117, athe ba 187 ha b'a ngola lihlaloboa.

Lithutong tsa mantlha, ho bonahala Sesotho joalo-ka selemong se fetileng se ntse se itlhomme pele ka 70.2%. Se lateloa ke thuto ea Mahlale ka 31.2%. Athe tšebetso ea Senyesemane le Lipalo e theohile papisong le ngoahola. Senyesemane ka 2024 se sebelitsoe hantle ka lipalo tse 27.1%, empa selemong sena se theohile ka linoko tse 8.9 lekholong, kaha joale se le ho 18.2%. Thuto ea Lipalo eona ka 2024 e ne e le 15.2%, empa ka 2025 lipalo li theohetse ho 12.3%.

Ka lebaka lena, letona le ipilelitse ho litichere ho ntlafatsa tšebetso e le ho bona hore boemo bona boa ntlafala. Ho feta mona, ho bonahala bashanyana ba ipabotse lithutong tsa Mahlale ho feta banana,



ha banana bona ba ipabotse lithutong tsa Sesotho le Senyesemane. Letona le boetse la ipiletsa ho lefapha la lihlaloboa Lesotho hore nakong e tlang le hlahise le thuto ea tsa khoebo.

Katiba Katiso, moithuti ea hlalileng boemong ba pele ho ba pasitseng ka linaleli oa Sekolo se Phahameng sa St Stephen's, o fumane linaleli lithutong tse robong. Mokhahlelo oa

bobeli ke ba fumaneng linaleli tse supileng ba tsoang sekolong sa St. Stephen's le Leribe English Medium. Boemong ba boraro ke ba fumaneng linaleli lithutong tse tšeletseng, boemong ba bone e le ba fumaneng linaleli lithutong tse hlano, ha boemong ba bohlanano e le ba fumaneng linaleli lithutong tse 'ne.

Ho sa le joalo, ha Letona le phatlalatsa sephetho sa sehlopha sa bo 12 (LASC), o bontšitse hore mokhahlelo ona ke oa pele nalaneng ea Lesotho, kaha lenane-thuto le ile la behoa tekong lekhetlo la pele selemong sa 2025. O hlalositse hore lenane-thuto lena le ile la behoa tekong literekeng tsohle tsa naha, leha likolo tse ling li sa atleha ho ngolisa.

holelitse baithuti bohle ba atlehileng lihlalobong tsa bona, a bontša hore katleho ena e tlisitsoe ke mamello le boitelo mosebetsing oa bona. Ho baithuti ba sa atlehang ho fumana sephetho se khotsofatsang, o ipilelitse hore ba se ke ba khathala matla, empa ba boele ba leke hape ba ithokhubelitse.

Puisanong le Mookameli oa Sekolo se Phahameng sa Leqe, Mofumahali Mantebele Mahamo, o bontšitse hore o thabetse bana ha ba sebelitse hantle, 'me o leboha litichere le batsoali ka tšebeliso-'moho, haholo-holo ka ho rekela bana lithusa-thuto tseo ba li hlohang.

UAE e nanabetsa letsoho

Nthabeleng Seitlheko

Muso oa Lesotho ka Lekala la Thuto le Koetliso, o amohetse laptops tse 400, hammoho le lisebelisoa tse ling tsa Tlhahiso-leseling (IT) ho tsoa 'Musong oa United Arab Emirates, tse tlisitsoeng ke Boemeli ba UAE, ka la 19 Pherekhong Monongoaha.

H'a amohela limpho tsena, Letona la Thuto le Koetliso, Prof. Ntoi Rapapa, o boletse hore tšebetso ena e

latela lipuisano tse ileng tsa tšoaroa Cape Town, moo linaha tse tsoetsengpele tse sebelisanang le Lesotho li ileng tsa itluma ho thusa naha ho matlafatsa thuto ea IT le mananeo a thuto ea marang-rang.

Rapapa o hlalositse mpho ena e le khato ea bohlokoahali le ea pele ea mofuta oa eona, a re e tla ba le tšusumetso e kholo ho ntlafatseng thuto le ho ithuta tsa 'technology' ea tlhahiso-leseling likolong naha ka bophara.

O boetse a bontša hore

lekala le tla aba li-laptop tsena likolong tsa mathomo tse 12, moo likolo tse 10 li tla fumana kabelo ea pele, ha li-laptop tse 100 tse setseng li tla arolelanoa ke likolo tse peli.

Letona le hateletse hore morero ona o tsamaisana le boitlamo bo pharaletseng ba 'Muso oa Lesotho ba ho ntlafatsa bokhoni ba 'digital literacy', le ho netefatsa hore baithuti ba fumana boiphihlelo ba bohlokoa ba ho tloha bocheng, ho latela sepheo sa naha sa ntšetsopele ea thuto.



Har'a likolo tse atlehileng ho ngolisa ke New Millennium English Medium Maseru, St. James Mokhotlong, St. Barnabas Maseru, 'Malithuso Berea, Makhaola Qacha's Nek le sekolo sa Ntaote Thaba-Tseka.

Prof. Rapapa o bontšitse hore le mokhahlelong ona thuto e ipabotseng ke Sesotho ka 77.8%, athe ea ho qetela ke Lipalo ka 7.7%. O bontšitse hore sekolo sa St. James Mokhotlong se hlahile boemong ba pele, sa lateloa ke St. Barnabas, ha New Millennium English Medium e bile ea ho qetela leha e sebelitse hantle.

Baithuti ba ipabotseng mokhahlelong ona ba hlahile sekolong sa St. James, moo baithuti ba bane ba hlalileng boemong ba pele le ba bobeli. Moithuti a le mong ea hlalileng boemong ba pele o fumane (A) tse hlano lithutong, ha ba bararo ba boemong ba bobeli ba fumane (A) tse tharo lithutong.

Prof. Ntoi Rapapa o tho-

Puisanong le moithuti ea hlalileng boemong ba bobeli mokhahlelong oa LGCSE, Busisiwe Lehoka oa St. Stephen's, o bontšitse hore o thabile haholo, a thabela le lefahla la hae le hlalileng boemong ba bohlanano, kaha Morena Molimo a arabetse lithapelo tsa bona.

O supile hore o ile a ithokhubelletsa ka matla mosebetsing oa hae, ke ka hona a atlehileng. O re o thusitsoe ke ho lula botareng, moo ho baloang letsatsi le leng le le leng mantsiboea.

O boetse a re o ne a atamela litichere hore li mo thusa moo a sa utloeng, a thusa le bana ba bang ka mosebetsi oa sekolo, a eketsa ka hore o ne a kenelela litholisano tsa lithuto tsa Mahlale sekolong.

Puisanong le motsoali oa mafahla a ipabotseng, Monghali Thabo Lehoka, o itse o leboha Morena Molimo ka ho fa bana ba hae bohlale le matla lithutong tsa bona. O re leha ba ile ba kopana le liqholotso, ba ile ba ema ka matla, ba hahamalla pele, 'me qetellong ba atleha, ka hona oa ba lebohela.

Lilemo li 30 a timetse

Nthabeleng Seitlheko

Pherekhong ke khoeli ea bohlokoahali nalaneng ea Lesotho, kaha e le khoeli eo liphetoho tse kholo li bileng teng Boreneng bo Boholo ba Naha.

Selemo le selemo lelapa la Botlotlehi le hloella kaholim'a sehlabana sa Thaba-Bosiu ho rapella botsitso le bonngoe ba sechaba sa Basotho, selemong sena ka ho khethela, ketsahalo ena e tsoaea lilemo tse 30 esale Motlotlehi Moshoeshe II a timetse.

Motlotlehi Moshoeshe II o ile a hloka hahalla kotsing ea koloi Ha Noha, Seterekeng sa Thaba-Tseka, moo moqhobi oa koloi a ileng a lahlehela ke taolo, 'me ba timela ka bobeli. Lefu lena le ile la siea sechaba sa Basotho se aparetsoe ke masoabi a maholo.

Thapelo ena ea ho hopola letsatsi leo Motlotlehi Moshoeshe II a ileng a hloka hahala ka lona e tsoaroa selemo le selemo. E tlollisoa ka ho beha meqhaka lebitleng



la Morena Moshoeshe II, hammoho le ho potoloha lingalo tsa bahale bohle ba bolokiloeng kaholim'a sehlabana sena sa nalaneng.

Bohle ba hloellang kaholim'a thaba sione ea Basotho ba rapela ba shebile ntsoanatsatsi, moo bohle re hlahang teng, ho rapella pula, botsitso le hore Ramaseli a bule litsela le merero ea bohle ea selemo se secha. Tsena tsohle li etsoa esale ka malungoalungo-

ane, ho latela moetlo oa Basotho.

Rabasotho o ile a etellapele thapelo lebitleng la mohlolo-holo oa sechaba sa Basotho, Morena Moshoeshe I, a leboha Morena Molimo ka ho thusa bohle ho fihlela moo ba neng ba bokane teng, a totobatsa hore Molimo ke ea tsepahalang, ea lerato.

O re letsatsi la la 15 Pherekhong le khethetse haholo ho bona e le sechaba

sa Moshoeshe le Mokhachane, hobane ke nako eo ba hopolang motsoali oa bona ea ileng a ba holisa, a ba etella pele tlas'a mathata le litsietsi, le menateng ea bophelo.

A re ke lilemo tse 30 nate a ba siile, 'me ba leboha haholo hore Molimo o ile a ba alima eena, a ba holisa e le bana ba hae.

Thapelo e ile ea tsoaroa tlas'a boetapele ba Lekhotla la Likereke Lesotho (CCL), moo lentsoe le ileng la baloa Epistolong ea Bafilipi le reng: "Ithabeleng Moreneng kamehla, mosa oa lona o tsejoe ke batho bohle..."

Moruti Selia Kgotla o boletse hore molaetsa oa letsatsi o ipiletsa ho Basotho hore tseo ba ithutileng tsona ba li amohela, ba li bone, ba li etse, hobane Molimo oa khotso o tla ba le bona.

O boetse a re Basotho ba hopole lintho tse ntle tseo Motlotlehi Moshoeshe II a ileng a li etsa, tseo ba ileng ba li amohela le ho li phela, hobane Molimo o tla ba hlokomela.

A re letsatsing lena le phethelang lilemo tse 30 esale a nkeloa leholimong, ba hopole lineo le bohla le boo Morena Moshoeshe

II a neng a e-na le bona, makhabane a hae, botle, mosa le khauhelo tseo a ileng a li bontša, ke tsona tse ka tlasang khotso e sa feleng sechabeng.

O ile a boela a ipiletsa hore lipelo tsa Basotho li hopole mantsoe le lipolelo tseo Motlotlehi Moshoeshe II nakong ea bophelo ba hae a ileng a li bua le ho ba eletsa ka tsona, hore ba tle ba fumane bophelo bo botle le Lesotho leo Molimo o le batlang.

Moarekabishopo oa Kereke e Katholike, Tlali Leretholi OMI, o ile a kopa hore ho etsoe thapelo ea khotso, ho kopa Molimo le balimo hore ba thuse sechaba ho phela ka boiketlo le khotso, e leng lintho tseo mothehi oa sechaba sena a neng a li tsitlallela haholo.

A boela a re ho rapelloe lilemo tse 60 tsa boipuso, tseo naha e tla li keteka ka Mphalane, a re moetapele e mong le e mong o utloa boima ba ho hloa Thaba-Bosiu, empa h'a fihla tlhorong o fumana khotso, botsitso le monate oa ho ba 'moho.

Monongoaha moeti oa bohlokoahali ebile Tona-Kholo ea mehleng ea Naha ea Afrika Boroa, Mohlomphehi Thabo Mbeki, ea ileng a beha meqhaka lebitleng la Morena Moshoeshe II e le pontšo ea tlhomphe.

Nalane e re ka la 15 Pherekhong 1996, Motlotlehi Moshoeshe II a timela. Ka la 18 Pherekhong 1870, Morena Moshoeshe I a theoha setulong sa Borena bo Boholo, a hlahisa mohlalami oa hae Morena Letsie Moshoeshe. Ka la 25 Pherekhong 1995, Motlotlehi Moshoeshe II a khutlela setulong sa hae.

Ka la 28 Pherekhong 1941, Mofumahali Mantšebo Seeiso ea e-ba motšoareli setulong sa Borena bo Boholo ba Lesotho.





Rabalumeli o etela Angola

Tšeliso Thakholi

Ketsahalo e kholo e tlii' o etsahala ti-kolohong ea Afrika, ea tokisetso ea ketelo ea Mohlahlami oa Peterosi, e leng Mopapa Leo XVI Naheng ea Angola e se e hatetse pele haholo. Tsena li phatlalalitsoe ke Moemeli oa Rabalumeli Naheng ea

meli o ikemiselitse ho etela tikoloho ea Afrika selemong sena, 'me leeto la hae la pele Afrika le kenyeletsa Angola le Algeria, le linaha tse ka thoko ho Afrika e leng Spain le Mexico. Litaba tsena li boetse tsa tiisoa ke babishopo ba linaha tsena hore Ntate ea Halalelang o tlii' o qala letoto la maeto a hae a bolisa linaheng tse 'maloa tsa Afrika.



Angola Mobabatsehi Wiltold Dubiel, 'mokeneng oa baphatlalatsi ba litaba o neng o tsoaretsoe Luanda, Angola ka la 13 Pherekhong 2026. O boleletse baphatlalatsi ba litaba hore Rabalu-

A re ketelo ea Mopapa Leo XVI Afrika e tlii' o tsamaellana le jubilee ea Motse-Moholo Luanda ea sehopotso sa bo-450 sa ho thehoa ha eona. A qetella ka ho hlalosa hore ketelo ea Rabalu-

meli Naheng ea Angola ke monyetla o moholo oa ho tsosolosa bolumeli ba bona le ho bo arolelana le lichaba tse ling tseo e leng baaisane le lefatše ka kakaretso.

Ketelo ea Mopapa Naheng ea Angola e latela litlhophiso tse matla tsa Vatican le Khosana ea Kereke Jose Cobo Cano oa Madrid eo le eena a tiisitseng hore litokiso tsa ho tla ha Rabalumeli Naheng ea Spain li hatetse pele haholo, e leng moo a tlang ho boela a etela Barcelona le lihleke-hleke tsa Canary. Leqosa la Mopapa Afrika Mobabatsehi Justin McLellan o boetse a tiisa litaba tsena. Mopapa oa ho qetela oa ho etela Naheng ea Angola e bile Mopapa Benedict XVI ka 2009.

Ho sa le joalo, ho tloha h'a qeta ho khethoa ka Motšeanong ngoahola Ntate ea Halalelang o ne a qale leeto la hae la pele la bolisa Naheng ea Turkey, a leba Lebanon ka Pulungoana, 'me ho feta mona a etellapele liketsahalo tse amanang le Selemo se Halalelang tse bileng Motse-Moholo Rome, Italy ka 2025.

-NCR Online-

Thapelo ea Khotso

Oho Molimo oa toka le khotso, re hlonoletse rona baahi ba Lesotho, 'me u re thuse ho phela khotsoeng le leratong la hao.

“Morena, nketse mosebetsi oa khotso ea hao. Moo lehloeo le leng teng, ke jale lerato. Moo batho ba fosetsaneng, ke jale tsoarelo. Moo lipelaolo li leng teng, ke jale tumelo. Moo batho ba nyahameng pelo, ke jale tšepo. Moo lefifi le leng teng, ke tlise leseli, Moo masoabi a leng teng, ke jale thabo. Molimo oa ka, etsa hore ke se ipatlele ho tšelisoa, ke mpe ke tšelisise ba bang. Ke se ipatlele ho utloisoa, ke mpe ke be ea utloisoang ba bang. Ke se ipatlele ho ratoa, e mpe e be 'na ea ratang ba bang, Hobane ke ka ho fana, re fumanang, ka ho tsoarella, re tsoareloang. Ka ho shoa, re tsoalloang bophelo bo sa feleng.

Amen.”

2025-2026 SELEMO A

SONTAHA SA 3 HAR'A SELEMO



Isaia 9:1-4
Pesalema 26
1Bakorinthe 1:10-13.17
Matheus 4:12-23



Khothatso

Mohlanka oa Molimo

Evangeling ea kajeno, Peterosi le Andreas, Jakobo le Joannes ba utloa lentsoe la Jesu le ba bitsang, le re: “Ntateleng.” Le rona bohle, re utloile pitso ena 'me ra sala Jesu morao ka ho kena Kerekeng ea hae.

Ho sala Kriste morao, ke ho mo talima le ho hlaloba metsamao ea hae. Ha re mo talima joalo, re elloa hore o rata mafutsana 'me ke motsoalle oa beatslibe, o hloekisa balepera, empa o khalemela barui ba itšebeletsang, ba se nang mohau. Jesu o tsamaea le mafutsana, o bua puo eo mang le mang a ka e utlisang. O rata Judas, esita le kamor'a ho sebe sa hae; o tsoarela Peterosi; o lilela motsoalle oa hae Lazaro, 'me mahlomoleng a hae a maholo a mo isang lefung o hopola 'máe.

Jesu o kopa hore re mo sale morao, empa lefifing leo re lutseng ho lona ho thata ho 'mona. Ha re leka ho tsamaea re mo latela joalo, re fumana hore tsela eo a tsamaeang ka eona e moepa, 'me lebone la rona la tumelo lea fokola. Joaloka Baheberu felleng, re rata ho ea ho Moshe le ho mo bolella hore re khathetse, re nyoriloe, re lapile; re hloka lijo le khotshaleto ea ho tsoela pele, hobane ha re tsebe moo re eang teng; ho seng joalo, ho molemo hore re khutlele bokhobeng ba Egepete moo re tsoang teng.

Efela, har'a meleko e mengata-ngata ea lefatše, re leka ho iphahamisa, ho rua lefatše le ho le busa, re se na taba le litokelo tsa ba bang.

Empa Moprofeta Isaia litemaneng tseo re qatang ho li bala, o re bolella hore “Sechaba se neng se tsamaea lefifing se bone leseli le lehlo.” Leseli lena ke Jesu. Ha a ne a ithalosa, Jesu o n'a re: “Ke 'na leseli la lefatše. Ho bona Jesu ke ho bona leseli. O khantšetsa tsela ea bophelo ba rona. Tseleng ena ea bophelo ba rona, re teana le batho bao re sa ba rateng, batho ba re tšoenyang, ba re loantšang kapa ba ra re hlohileng ruri. Empa ka leseli la hae, Jesu o re ruta ho ba talima e le bana babo rona le ho iphanyetsa bona ho e-na le ho iphetsetsa. O re fa matla a ho ba tsoarela le ho ba rata ka lerato la 'nete.

Ka leseli la hae, Kriste o etsa hore re bona le bofokoli ba rona, 'me re ikokobetse ho e-na le ho ikhantša le ho iphahamisa. O re bontša liphošo tse ngata tseo re li etsang, empa tseo re neng re sa li ellole pele, 'me o re ruta ho beha tšepo eohle ea rona ho eena.

Ha re teana le ba seng ba holiile, ba holofetseng, bakuli kapa batšoaruoa, leseli la Jesu, leseli la evangeli ea hae, le re bontša hore le rona re tla kula 'me re tla shoa ka tsatsi le leng. Joale re tsoara Jesu ka letsoho 'me re ikutloa re le matla. Ha re e-na le eena, re ke ke re tšaba letho, re ke ke ra hloloa ke letho, esita le lona lefu re ka le amohela ka thabo.

Leseli la Jesu le re ruta ho ba mohau, ho thusa ba bang le ho ba utloela bohlokoa. Le re ruta ho arolelana maruo a rona le ba bang le ho ba khothat-sa. Hantle-ntle, leseli la Kriste le re tlama ho sebelisa mahlo le matsoho a rona ho etsa mehlolo e neng e etsoa ke Jesu khale-khale litseleng tsa Galilea.

Ruri, ha re sala Jesu morao, Moea oa hae o tla sebetsa ka ho rona ho khothat-sa ba fololang, ho amohela baeti le ho loanela litokelo tsa ba se nang matla a ho itoanela.

Ha re sala Kriste morao, re le tsietsing 'me re hoelehetsa ho eena, kapele-pele o utloa thapelo ea rona 'me oa re phallela. A re arabeleng ke hona pitso ea hae 'me re mo saleng morao ho tloha kajeno, e le hore a tle a re ntše mafifing ao re re leng ho 'ona, a re bonesetse tsela 'me a sebetse ka ho rona le ka rona mesebetsi eohle ea hae ea mohau le ea lerato. A re etse batšoasi ba batho, a re rute ho ba tsoasa ka mokhoa oa hae, ke hore ka lerato.

Bahalaleli har'a Beke

26	Pherekhong	Theofrid
27	Pherekhong	Avitus
28	Pherekhong	Flavian
29	Pherekhong	Voloc
30	Pherekhong	Tudy
31	Pherekhong	John Bosco

Thapelo ea Basotho

'Mopi, Hlahlamacholo, Ramaseli, Rammoloki Atla li maroba, Atla li marotholi a pula, Atla li tsoeu tsa Rammoloki, Li tsoeu ke ho bopa masea, Hobane bohle re 'mopo le mosebetsi oa matsoho a ona. Hlahlamacholo hlahla metsi o'a etse keleti ea sehla sa Mariha, Hobane ka keleti u nchafatsa lichaba teng, Lichaba li tsoang ho uena 'mopong, Li tlang ho boela ho uena meahong. Ba meolimeololo, ba lumang lingope ho theleha. Ntsang tsoeu le nehe 'Mopi le tle le bone ha 'Mopi o thaba, Hobane Baholo-Balimo bona ba thabela likhalapa. Ba re ho be ho soeu, ho be malola, Ho be hele-hele pele le morao. Ho iloe kae ke Bo-ntate-moholo le Bo-nkhono ho sa keng ho khutloa. Ho iloe ha sekoti ha se tiale. 'Maakane joo! Ka 'Mopi ra le bona.

'Mopi oa Ramosholu-shololo litsohali Bo-nkhono ke bana ba labalabela matlala. Matlala b'a bona ka'ng a anetse, b'a bona ka ho theha mek'hanya liphatleng tsa bona. Malataliana-tsela ngoana Rae e moholo ke mang, pitsana ha e na khobe, le e 'ngoe ha e na khobe. Qhaqholla u re qiti! Moshanyan'a sankatana le kholumo-lumo. Ho iloe kae ke bo-Mmabana, ba ile masimong.

Ba siile masea ka liotloaneng. Liotloana tseo ha li hile li sireletse masea. Ka bona Bo-ntate-moholo le Bo-nkhono ba lutse ka shoalane molong le litlohotloholoana tsa bona ba li etsetsa litsomo tse monate;

Bo-limo le Tselane ka ba ka utloa ha ba ba etsetsa lilotho tse monate; bo-mmenthele o hlotse baruti.

Leseli! Khanya!

Liki ea Basketball e tsoelapele

Tšeliso Thakholi

Lipapali tsa Mokhahlelo oa Bobeli tsa Liki e Kholo ea Basketball (NBL) li tli'l'o bula selemo se secha mafelong a beke, kamor'a hore Liki e ee phomolong ea matsatsi a Keresemese le selemo se secha.

Ha li thakhoha ka Moqebelobelo oa la 24 Pherekhong monongoaha, liking ea ba lilemo li ka tlaase ho 23, papali ea pele e bulang selemo e tli'l'o ba lipakeng tsa Lichocha le Titans ebe e hlahlamang eo ke eo barati le batšehetsi ba papali ea Basketball ba e shebileng ka leihlo le nchocho, eleng ea Bokamoso Pelo le Bokamoso Ubuntu hobane ha tse-na tse peli li kopane ho senyeha ho litsoeng.

Hona letsatsing la Moqebelobelo har'a lipapali tse tli'l'o bapala, papali e matla haholo ke e tli'l'o ba lipakeng tsa Shooting Rifle le Bokamoso Alumni. Ka mokhoa

o tšoanang papaling ea lihlopha tse peli tse na ho atisa ho tlola litlhase, 'me ke e 'ngoe e hohelang batšehetsi ba bangata.

Lekhetlong lena ha li thulana, re lebeletse hore ho tole litlhase ho feta ngoahola ha li ne li qala ho kopana. Papali e 'ngoe e matla ke ea sehlopha

sa Razzmatazz le Khu-betsoana All Stars. Papali e 'ngoe ea letsatsi leo ke e tlang hoba lipakeng tsa Bokamoso Rebels le Bokamoso Bad Boys. Ka tsela e tšoanang papali ena ke ea boemo bo holimo haholo eo barati ba lipapali ba ka iphang nako ea ho tla boha monate

oa papali ea Basketball.

E re kaha botsamaisi ba papali ea Basketball bo se bo qalile mokhoa o mocha oa ho bapala lipapali tsa liki, moo ho neng ho bapala lihlopha tsa bahlankana le baroetsana feela, lekhetlong lena le tsa ba baholo ho hlaha likampaning tse kholo le tsona

li teng, e le ho ntlafatsa le ho holisa papali ea Basketball, tsona li tla qothisana lehlokoa letsatsing la Sontaha.

Ka Sontaha ho ba baholo, papaling ea pele Limkokwing University e tla amohela Simply Talent (ST), 'me joaloka ka mehla Limkokwing University e se e ntse e inetse thupa ka metsing ho tla sasara ST. Ho feta mona, Econet Telecom Lesotho e tla botsana lipotso le Standard Lesotho Bank, ha Vodacom Lesotho e tla momana habohloko le LNIG Hollard. Ha liki e ntse e tsoelapele ho tla boela ho eba le lipapali tse tla bapaloa ka phirimana har'a beke, sepheo e ntse e le hore batho ba ka khahloang ke ho tla boha lipapali, bao e bang b'a sebetsa kapa ba kena sekolo motšeaare ba be le monyetla oa ho etsa joalo.

Mokhahlelo o latelang oa lipapali tsa liki o tla ba ka la 31 Pherekhong ho isa la 7 Hlakola 2026.



Boemo ba rugby bo phahame-Motaung

Tšeliso Thakholi

Liki e Kholo ea Rugby selemong sena se qetang ho fela e bonahe-tse e atlehile haholo, kaha ho bile le tšehetso ea bafani le batšehetsi ho lihlopha ka bo tsona. Ana ke maikutlo a Raliphatlatso oa Mokhatlo oa Rugby Lesotho (FRL), Monghali Morapeli Motaung, a ipapisitse le lipapali tse neng li phethela liki ea lihlopha tse kholo tse bileng mabeleng a Motebo oa Sepolesa, Ha Mabote, ka la 17 Pherekhong 2026.

Monghali Motaung o boletse hore papisong le liking e fetileng ba bone hore papali ea rugby e ntse e phahama mekhahlelong e fapakaneng ea eona, 'me sena ke katleho e kholo eo ba e fihletseng lipapaling tse na tse qetang ho fela tsa liki. A re meralo e mecha ea ho atolosa le ho ntlafatsa papali ea rugby ha ena ho fapana haholo le e fetileng eo ba neng ba se ba ntse ba ena le eona. "Re se re tla ipapisa le ea Rugby Afrika hore na alemanaka ea bona ea lipapali ea selemo sena e eme joang." A rialo.

A tiisa hore ba tli'l'o loke-la ho sebetsa ka matla ho

feta pele ho bona hore ba ntšetsapele morero oa ho bona hore papali ea rugby e'a matlafatsoa likolong tsa Mathomo le tse Phahameng le ho thusa hore likolo li kenye letsoho ho otla le ho tsoma talenta ka hore hobe le liliki tsa likolo tse bapaloang beke

le beke ho se khaotso. A qetella ka hore liki e ncha ea lihlopha tse kholo e tla qala mafelong a khoeli ea Hlakola monongoaha.

Leha ho sa ka ha eba bonolo ho sehlopha sa Academy ho hlola Liqhomane, kaha sene se bapala ka libapali tse matla

haholo tseo boholo ba tsona li seng li ena le maqati le boiphihlelo papaling ea rugby, Academy ha e ka ba ea ikhalala e ile ea makat-sa ba bangata ha ene e hlola Liqhomane eba eona bompoli ba Econet Rugby League ba monongoaha ka ho hlaha maamong a

pele.

Haele bobeling ebile Liqhomane, borarong ea eba Mabote Beavers kamor'a ho hlola Maseru Warriors. Ka ho basali mohloli ke Mabote Beavers, bobeling ke NUL Spears, borarong ke Gorilla ha boneng e le Liqhomane.



E phahamisa mohope oa AFCON

Tšeliso Thakholi

Sehlopha sa Naha ea Senegal, Lions of Teranga, se phethile mosebetsi o tsoileng matsoho ka ho thabisa barati le batšehetsi ba bangata, ka kamor’a ho sasara Morocco ka thupa e bohloko ea 1-0 litlholisanong tsa makhaola-khang tsa bo-35 tsa Mohope oa AFCON tse bakileng lipuo li hana ho fela le liketsahalo tse makatsang papaling ea bolo ea maoto. Litlholisano tsena li bile lebaleng la Prince Mulay Abdellah, Morocco ka la 18 Pherekhong 2026.

Senegal e ikhabetse mohope o majaba-jaba le bokhotho-khotho ba chelete e kaalo ka M167Million lekhetlo la bobeli, kaha e ne e qale ho hapa ka 2021. Lions of Teranga e phamotse mohope ona ho Ivory Coast e sa kang ea bapala lipapaling tse robeli tsa ho qetela tsa AFCON moo e ileng ea hloloa ke Burkina Faso ka 2-1.

Leha ho bile le likhang le khatikelo ea e meng ea melao e tsamaisang bolo ea maoto litlholisanong tsena, khalala ea bolo ea maoto Pape Gueye ea neng a bapala bolo e tsoileng matsoho lipapaling tsena, ke eena ea ileng a tlisetsa naha ea habo tlhoho ka ho hlaba ntlha metsotsong ea ho qetela ea nako e ekelitsoeng, 'me sethibathibane sa Atlas Lions e leng Yassine Bounou ea ileng a khethoa e le ena sethibathibane se hloahloa sa litlholisano tsa AFCON, o ile a utloa ka letšoele hore bolo e se e le ka letanteng.

Liteko tsa Brahim Diaz, mohlaba-lintlha ea kotsi haholo oa Atlas Lions ea ileng a hlaba lintlha tse hlano litlholisanong tsena le Ayoub El Kaabi, eo lipapali tsena li felileng a ena le lintlha tse peli, ha lia ka tsa atleha kaha mola o kamorao oa Lions of Teranga o ne o iketsetsa borata ka Atlas Lions. Leha Atlas Lions e hlotsoe ho hapa mohope ona lekhetlo la bobeli, barati le batšehetsi ba eona ba ile ba nyakalla le ho ikotla sefuba ka sethibathibane sa bona se hloahloa e leng Yassine Bounou ea bapetseng ka bokhabane bo boholo lipapaling tsena.

Litlholisano tsa pele tsa Mohope oa AFCON li qalile Naheng ea Sudan ka

1957 moo ho neng ho bapala linaha tse tharo e leng Egypt, Ethiopia le naha e

neng e amohela baeti ea Sudan. Ke mona moo Egypt e bileng eona naha

ea pele Afrika ea ho hapa Mohope oa AFCON, 'me ho fihlela ha joale e se e

hapile mehope e supileng, e hlahlangoa ke Cameroon ka e mehlano.



Mehalalitoe e simolla boikoetliso

Tšeliso Thakholi

Sehlopha sa Naha sa Basali, Mehalalitoe, se simolotse boikoetliso lebaleng la Bambatha Tšita Sports Arena, Maseru, ka 'Mantaha oa la 19 Pherekhong monongoaha ho itokisetsa lipapali tsa Basali tsa Mohope oa COSAFA Womens Championship tse neng li chechisoe ngoahola, tse tliil'o tšoareloa Naheng ea Afrika Boroa ka Tlhakubele 2026.

Leha lotho e-s'o etsoe Mehalalitoe e folofetse lera-ha pele metsi a cha ka ho simolla bokoetliso, 'me ke

libapali tse 25 kaofela tseo Mokoetlisi Shalane Lehohla a li bitsitseng ho hlaha lihlopheng tse fapakaneng tsa Liki e Kholo ea Basali. Tebello ke hore sehlopha sena se tla nka libeke li se kae se ntse se koetla 'moho ebe se fokotsa lenane la libapali ho ea ho la mapomelo le tla emela naha ka Tlhakubele.

Mehalalitoe haesale e kenela litlholisano tsa COSAFA ha e-'so bapale hantle ho hang. Maikutlo a barati le batšehetsi ba bangata ba bolo ke hore e lokela hore ebe e ile ea phomola feela ka Keresemese, e be kamor'a moo e khutlela kampong, empa kaha e se qalile bonyane e lokela ho bapala lipapali tse 'ne

tsa boitokiso khahlanong le linaha tse matla tsa Afrika, e le hore bakoetlisi ba tle ba tsebe ho bona hore na sehlopha sa bona se mae-mong a fe.

Ba re taba ea ho se bapale lipapali tsa machaba tsa setsoalle khafetsa ha sehlopha sa Mehalalitoe ho fokotsa matla a sehlopha, le ho ama moliko oo bakoetlisi ba khethang ho oona. Ba re ba batla ba khotsofetse ke tsela eo mokoetlisi a seng a qalile ho bopa sehlopha sa hae kaha se ahiloe ka libapali tse nang le boiphihlelo tsa boemo boo ba bapalang ho bona ba Liki e Kholo.

Ba khothaletsa bakoetlisi hore har'a moralo oa bona oa tšebetso ba lokela ho

lula fatše le bakoetlisi ba lihlopha tsa Liki e Kholo ho shebisana karolo eo ba ka e nkang ho aha sehlopha se matla sa naha. Ba tiisa hore lihlopha tse bapalang liking e kholo li na le tšoaetso e matla papaling ea sehlopha sa naha kaha se bopuo e ka libapali tse hlahang hona lihlopheng tseo. Ka hona ha ba ka kenyetsa moralong oa bona bakoetlisi ba lihlopha Mehalalitoe e tla tseba ho atleha le hoba maemong a tšoanang le a lihlopha tsa linaha tse ling.

Ba qetella ka ho bontša hore ntho e ba tšoenyang haholo ke hore boholo ba libapali tsa lihlopha tsa naha li leqe ho hlaba lintlha, 'me taba ena ke ea tse ling tse ka kopaneloang ke bona le mokoetlisi oa naha ho leka ho mo hlahlella ka malebela. Ho sa le joalo, libapali tsa mathomo tse bitsitsoeng ke tse latelang: lithibathibane ke Nketsetseng Chaole, Boelo Lepheana le Nthabiseng Hlao, ba bapalang morao ke Moseme Khashane, Bokang Ntsane, Mahali Sepiriti, Matšelisalo Mosala, Mpho Molefe, Liteboho Tjolobe le Lerato Nthako.

Athe ba bapalang mpeng ke 'Mamasoabi Monese, Matšelisalo Makeke, Lerato Tsoinyane, Ntsoaki Nthethe, 'Makose Sehloho, Mpolokeng Liphamamo, Lineo Sekhonyane, 'Maphutheho Motati, Mahlapane Matete le Mone Letšoara. Haele bahlaba-lintlha ke Phuzile Molefe, Limpho Rajoele, Reitumetse Namane, Katleho Mafereka le 'Makhotso Moalosi.

